

**07 MARTIE**  
**RUGACIUNEA**  
**SF. IERARHI-MUCENICI**  
**VASILE, EFREM, EVGHENIE,**  
**AGATODOR, ELPIDIE, CAPITON**  
**SI ETERIE DE LA CHERSON**

**Молитва**

О, преславнии священичници, Василие, Ефреме, Капитоне, Евгение, Еферие, Елпидие и Агафодоре, к вам яко чада ко отцем, светом учений ваших просвещении и в вере Христовей наставлении, ныне усердно прибегаем и в сокрушении сердец наших молимся, аще бо и завет ваших, яко чада непокоривая не соблюдохом, и о угождении Богу якоже учисте, небрегохом, и от единомыслия и любве, юже добре завещасте, отпадохом. Обаче, якоже древле в житии вашем неблагодарных и недостойных не отвращасте тщи, но благим за злая воздавасте, тако и ныне грешных недостойных чад ваших молитвы не отвратисте, но яко велие имущии дерзновение ко Господу, прилежно Того молити, да наставит и обратит

нас на путь спасения, распри же и раздоры, посреде единовѣрныхъ братьевъ возникающая, да умирит, отпадшия паки во единомыслие приведет и всех нас соединением Духа и любви во Единой Святей Соборной и Апостольстей Церкви соединит. Вемы бо, вемы, яко много может молитва праведника ко благосердию Владыки, аще и о грешных людех приносима бывает. Не оставите убо нас унылых и недостойных чад ваших. Дадите нам, молитвами вашими, о православии ревность, да ею возгреваеми, отеческая предания добре сохраним, уставы и обычаи церковныя верно соблюдать потщимся, всяких лжеучений странных отбежим, и тако в житии богоугодном на земли преуспевающе, жизни райския на небеси сподобимся, и тако с вами вкупе Владыку всех, в Троице Единого Бога, прославим во веки веков. Аминь.